



GUIA DI PRESENTASHON PA ENKUESTADÓ

Kon pa introdusí bo mes ora bo yega na un kas di famia durante Enkuesta Sosial

Bon dia, mi nòmber ta Jacinta Martina. Mi ta un enkuestadó di Ofisina Sentral di Statistik (CBS). (mustra badge).

Mi a bini pa hasi bo i bo famia algun pregunta riba diferente tema importante pa desaroyo di nos sosiedat bou di e nòmber di Enkuesta Sosial.

Splika meta di Enkuesta Sosial

Meta

E meta di Enkuesta Sosial ta pa kolektá informashon aktual riba diferente tema manera edukashon, trabou, salú, koheshon sosial, ICT, deporte, kultura i seguridad. Ku e informashon aki por krea òf aktualisá maneho i tambe lei. E informashon kolektá ta yuda nos komprondé mihó kon nos ta biba, partisipá i sinti nos mes den komunidad.

Grupo di enfoke

Tur miembro di kas di famia.

Puntra na respondente

Sra/Sr, bo tin tempu awor aki pa nos hasi e entrevista?

- **Si e respuesta ta “si”:** Kuminsá e entrevista.
- **Si e respuesta ta “nò”:** Bolbe splika importansia di partisipashon na Enkuesta Sosial (mira meta ariba).
- **Si e respuesta sigui ta “nò”:** Puntra si por hasi un sita pa otro momentu òf otro dia.
 - o **Si por:** traha sita ku respondente.
 - o **Si no por:** registrá e kas di famia komo un unidat ku un miembro a rehusá konsientemente pa partisipá (harde weigering).

Splika meta di CBS

Si e respondente puntra kiko ta meta di Ofisina Sentral di Statistik: CBS ta informá komunidad riba situashon demográfiko i sosioekonómiko di Kòrsou pa medio di informashon estadístiko.

Den kaso di deskonfiansa riba identidat di enkuestadó

Si e respondente tin duda si enkuestadó ta di CBS:

- Enkuestadó ta mostra su badge ku portret, nòmber i fam.
- E ta pidi e respondente pa skan e QR-code riba badge pa konfirmá ku e ta parti di team di CBS.
- Si no por skan, e respondente por yama CBS na **7241802 / 5202227** pa konfirmashon.

Den kaso ku respondente puntra si partisipashon ta obligatoirio

Si e respondente puntra si ta obligá pa partisipá:

Splika ku obligashon ei ta nesesario pa garantisá ku CBS haña kantidat di reakshon mas haltu posibel, pa hasi e resultadonan mas konfiabel.

Solamente si ta nesesario, referí na **Lei di Statistik (PB 2011, nr. 19)**, ku ta disponibel pa download na website di CBS: **Statistical Act 2011 nr. 19**.

Den kaso ku respondente puntra tokante anonimodad

Si e respondente puntra si partisipashon ta anónimo:

- Enkuestadó ta referí na **Artíkulo 5 di Lei di Statistik (PB 2011, nr. 19)**, ku ta bisa ku tur dato ta wordu procesá solamente pa meta estadístiko.
- E dato no ta wordu publiká den un forma ku por rekonosé persona individual, a menos ku esnan mes no tin objeshon.

Final di entrevista

Na final di e entrevista:

Masha danki, Sra./Sr., pa bo koperashon. Nos ta apresia esaki hopi. Resultadonan di Enkuesta Sosial lo wordu publiká den medionan di prensa i riba nos website: www.cbs.cw.

Kon pa introdusí bo mes na un kas selektá pa bira un panelista

Bon dia, mi nòmber ta Jacinta Martina, mi ta un entrevistadó di Ofisina Sentral di Statistik (CBS). (muestra badge).

Mi a bin hasi abo i bo famia algun pregunta riba diferente tópiko importante pa desaroyo di nos sosiedat bou di e nòmber di Enkuesta Sosial.

Parti di e Enkuesta Sosial ta konsistí di preguntanan riba e tópiko di **Labor**. Pa e tema aki, bo kas a wòrdu selektá pa forma parti di un **panel** pa e **próximo tres añanan**.

Durante e tres añanan aki, lo bo risibí e kuestionario di **Enkuesta di Forsa Laboral** digitalmente via email. Di e forma aki, bo lo sigui aportá pa asina CBS por publiká sifranan konfiabel riba e situashon laboral na Kòrsou. Pa e partisipashon balioso aki, lo risibí un rekompensa.